

26.02.2019



REPUBLIKA E KOSOVËS
 REPUBLIKA KOSOVA
 REPUBLIC OF KOSOVA

REPUBLIKA E KOSOVËS - KOMUNA E SUHAREKËS REPUBLIKA KOSOVA - OPSTINA SUVA REKA REPUBLIC OF KOSOVA - THE MUNICIPALITY OF SUHAREKA			
DORËZIM PRILJENO RECEIVED			
Numri i origjinalit Original Number	Numri Broj Number	Shifra e Prilog Prilog Appendix	Vlera Vrednost Value
	01	016 14479	2



BASHKËSIA ISLAME
 SUHAREKË



KOMUNA E SUHAREKËS
 OPSTINE SUVA REKA

Duke u bazuar në nenin 58, të Ligjit Nr-03/L-040, mbi Vetëqeverisje Lokale, "Gazeta zyrtare e Republikës së Kosovës, Nr-28/2008" Kryetari i Komunës me Kryetarin e Bashkësisë Islame në Suharekë, lidhën këtë:

MARRËVESHJE TË MIRËRKUPTIMIT PËR FINANCIM

E hartuar me datën 26.02.2019, e lidhur në mes të palëve:

1. Komunës së Suharekës-përfaqësuar nga Bali MUHARREMAJ-Kryetar i Komunës në Suharekë dhe
2. Kryetarit të Bashkësisë Islame në Suharekë-përfaqësuar nga Halim SHEHU Kryetar i Bashkësisë Islame në Suharekë.

Neni 1

Qëllimi i marrëveshjes

Qëllimi i kësaj marrëveshje të mirëkuptimit është financimi me mjete financiare për mbulimin e shërbimeve "Kryerja e riteve fetare dhe mbulimi i shpenzimeve të varrimit për qytetarët e Komunës së Suharekës, përkatësisë fetare Islame".

Neni 2

Obligimet e Bashkësisë Islame

2.1 Këto shërbime do tu ofrohen të gjithë qytetarëve të Komunës së Suharekës, duke respektuar bindjen dhe orientimin fetar (Islam) të secilit qytetar të Komunës së Suharekës pa dallim.

2.2 Në bazë të kësaj marrëveshje, Këshilli i Bashkësisë Islame në Suharekë obligohet që tij kryej shërbimet e riteve fetare dhe varrimit siç janë të përcaktuar në mënyrë decitive në tabelën si më poshtë;

Nr.	Lloji i Shërbimit	Vlera financiare
1.	Transporti i kufomës brenda territorit të Komunës së Suharekës (bartja e kufomës nga shtëpia deri në xhami (vend falja e kufomës) dhe përcjellja deri te varrezat)	

2.	Hapja dhe mbyllja e varrit (sipas traditave fetare Islame). Transporti i punëtorëve dhe mjeteve të punës deri në varreza dhe anasjelltas.	
3.	Dërrasat (pa arkivol) me të cilat mbulohet kufoma pas lëshimit në varr me dimensione 2.10 x 1.10 x 0.5 dhe transporti i dërrasave deri te vendi i varrimit.	
4.	Qefini mbështjellës i veçanët për kufomën sipas parimit islam dhe mjetet higjienike përfshirë (dorëzat higjienik, pambuk, shamponi dhe sapuni)	
5.	Piramida (dërrasë me mbishkrimin e të dhënave të të vdekurit dhe ngjyrosja)	
6.	Dezinfektimi i veturës dhe afishet (flet lajmërimet) 30 copa	

Neni 3

3.1 Shuma e pagesës apo faturës për shërbimet apo ritualet fetare të cekura në neni 2, të kësaj marrëveshje të mirëkuptimit për financim është **200€** (dyqind euro) për 1, (një) person.

3.2 Të gjitha këto shërbime apo rituale fetare do të përmbliken dhe përshkruhen në një faktuar që Bashkësia Islame në Suharekë do të ja dorëzojë Komunës së Suharekës për pagesë.

3.3 Këshilli i Bashkësisë Islame në Suharekë, përgatit faturë të veçanët për secilin rast veç e veç, duke ja bashkangjitur edhe këto dokumente përcjellëse; raporti për secilin rast veç e veç, certifikate e vdekjes të të vdekurit, kopja e letërnjoftimit të të vdekurit si dhe kopja e letërnjoftimit të familjarit i cili e ka paraqitur rastin.

Neni 4

Obligimet e Komunës

4.1 **Komuna e Suharekës**, merr për obligim që të bëjë zotimin e mjeteve dhe pagesat, pas dorëzimit të faturës dhe raportit me shkrim nga Këshilli i Bashkësisë Islame në Suharekë dhe të vërtetuar nga organi mbikëqyrës që caktohet nga Komuna e Suharekës, për punën/shërbimet/furnizimet e kryera, mjetet lëshohen në xhirollogarinë e **Bashkësisë Islame në Suharekë**.

4.2 Pagesat e shërbimeve apo shpenzimeve të cekuar në neni 2, të kësaj marrëveshje të mirëkuptimit për financim bëhen në fillim të çdo muaji nga datë 01 deri me datë 05 të muajit vijues.

4.3 Komuna merr për obligim të caktoj organin mbikëqyrës/menaxherin e projektit.

Neni 5

5.1 Shërbimet e cekuar në neni 2, të kësaj marrëveshje të mirëkuptimit për financim janë pjesë e kësaj marrëveshje dhe në asnjë mënyrë nuk ndërlidhen me pagesën e anëtarisë ndaj Bashkësisë Islame në Komunën e Suharekës, (çështje e cila mbetet edhe me tutje në raportet e deritanishme të qytetarëve me Bashkësinë Islame).

5.2 Shërbimet shpesh që kërkohen nga familjarët e të vdekurit, e të cilat shërbime nuk janë të parapara në këtë marrëveshje të mirëkuptimit për financim i barten individualisht familjarit të të vdekurit.



Neni 6

Raportimi me shkrim

Projekt menaxheri, organin mbikëqyrës i caktuar nga Komuna e Suharekës në bashkëpunim me Kryetarin e Bashkësisë Islame në Suharekë, marrin për obligim që për çdo 3, (tre) muaj të përgatitin **raport me shkrim**, për Komunën e Suharekës, duke e justifikuar me kontrata të ndryshëm, faktuara dhe dëftesa, përkatësisht kuponë në pajtueshmëri me Rregulloren financiar Nr-01/2013, MF-shpenzimi i parave publike.

Neni 7

Ndryshimi i marrëveshjes me mirëkuptim

Me pëlqimin paraprak të Bashkësisë Islame në Suharekë dhe Komunës së Suharekës, kjo marrëveshje mundë të ndryshohet dhe plotësohet me aneks marrëveshje.

Neni 8

Marrëveshja e mirëkuptimit për financim është e lidhur me aftë kohor të caktuar dhe atë duke filluar nga 01.03.2019 deri me datën 01.03.2020, afat 1, (një) vjeçar.

Neni 9

Shkëputja e marrëveshjes

Marrëveshja e mirëkuptimit për financim mund të shkëpute njëanshëm nga Komuna e Suharekës me njoftimin paraprak me shkrim në afat prej 30 ditësh në rast se këshilli i Bashkësisë Islame në Suharekë, nuk e përmbushë këtë marrëveshje në përpikëri ashtu si që është nënshkruar nga palët nënshkruese.

Neni 10

Zgjidhja e marrëveshjes

Të gjitha palët zotohen se do t'i përmbahen kësaj marrëveshje të mirëkuptimit për financim dhe se në rast kontesti eventual apo paqartësitë në tekstin e kësaj marrëveshje, të zgjidhen me anë të bisedimeve, konsultimeve miqësore dhe me mirëkuptim, në të kundërtën kompetent për të vendos do të jetë Gjykata Themelore në Prizren dega në Suharekë.

Neni 11

Numri i kopjeve

Kjo marrëveshje e mirëkuptimit për financim është e hartuar në 3 ekzemplarë identik ku nga një e marrin palët, kurse të tjerat mbesin për nevojat e organit kompetent.


Neni 12

Hyrja në fuqi

Palët në marrëveshje janë pajtuar që kjo marrëveshje e mirëkuptimit për financim të fillon të zbatohet nga dita e nënshkrimit.

PALËT NË MARRËVESHJE

Kryetari i Bashkësisë Islame


Halim SHEHU

Kryetari i Komunës


Bali MUHAMREMAJ

 28.02.2019

